



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1239/10  
Sarajevo, 25.5.2010. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 26.05.2010			
Organizaciona jedinica	Klasifikaciona oznaka	Redni broj	Broj priloga
01-50-1-15-75/10			

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*

**SARAJEVO**

**PREDMET:** Odgovor na zastupničko pitanje

Vijeće ministara Bosne i Hercegovine je na 121. sjednici održanoj 20.5.2010. godine, utvrdilo odgovor na zastupničko pitanje koje je gosp. Željko Kuzmanović, zastupnik u Zastupničkom domu Parlamentarne skupštine Bosne i Hercegovine, postavio na 75. sjednici ovog doma održanoj 7.4.2010. godine.

U privitku prosljeđujemo odgovor radi njegovog dostavljanja gosp. Željku Kuzmanoviću.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1239-1/10  
Sarajevo, 20.5.2010. godine

Željko Kuzmanović, poslanik u Predstavničkom domu Parlamentarne skupštine Bosne i Hercegovine, na 75 sjednici Predstavničkog doma PS BiH, održanoj 7.04.2010. godine postavio je Ministarstvu inostranih poslova BiH pitanje sljedeće sadržine:

**„Molim Ministarstvo inostranih poslova BiH i Savjet ministara BiH da mi dostavi Informaciju šta je uradjeno povodom posljednje afere u Ministarstvu kada je odjeljenje za borbu protiv visokotehnološkog kriminala jedne evropske zemlje utvrdilo da se sa jednog računara u okviru ovog Ministarstva vršilo skidanje zabranjenih sadržaja sa interneta ,konkretno dječije pornografije“**

Na postavljeno pitanje, Vijeće ministara Bosne i Hercegovine je na 124. sjednici održanoj 20.5.2010. godine, utvrdilo sljedeći

**ODGOVOR**

Imajući u vidu svoje nadležnosti, Ministarstvo vanjskih poslova Bosne i Hercegovine, shodno svojim ovlastima i odgovornostima u mogućnosti je informisati o narednim aktivnostima koje je poduzelo po saznanju da se sa jednog od računara u okviru MVP-a BiH skidaju zabranjeni sadržaji sa interneta.

Obzirom da se radi o internetskom kriminalu zloupotrebom kompjutera, da Zakon o borbi protiv visokotehnološkog kriminala još nije donesen, da skidanje dječije pornografije sa interneta predstavlja krivično djelo za čije dokaze je potrebna visokosofisticirana tehnologija i obučeni specijalisti za cyber kriminal to je MVP-a bilo u mogućnosti poduzeti samo sljedeće mjere:

- sistem kontrole boravka zaposlenika u zgradi je preispitan a evidencija pooštrena posebno prisutnosti van radnog vremena i u neradne dane
- ostvarena potpuna saradnja sa ovlaštenim licima MUP –a Federacije BiH koji su po službenoj dužnosti vršili uvidjaj
- Ministar je shodno Zakonu o ministarstvima i drugim organima uprave, po službenoj dužnosti obavijestio i Agenciju za istrage i zaštitu ( SIPA ) prema kojoj je iskazan puni stupanj kooperativnosti i saradnje na ovom slučaju.

Ministarstvo vanjskih poslova BiH nema informacije niti bilo kakva druga saznanja o provedenim istražnim radnjama, trenutnoj fazi istrage ili nečemu sličnom.

Bitno je naglasiti da MVP-a BiH tehničko-tehnološki i kadrovski nije osposobljeno da može locirati računarsku jedinicu sa koje je došlo do skidanja sadržaja dječije pornografije kao što je to rečeno u izjavi za štampu visokog dužnosnika MVP-a BiH, odnosno Šefa Kabineta Zamjenice ministra.

MVP-a BiH cijeni inicijativu poslanika PD PS BiH Željka Kuzmanovića o potrebi inoviranja zakonske regulative, posebno donošenja Zakona o borbi protiv cyber kriminala obzirom da je svakim danom sve više zloupotreba interneta sa kojim se cijeli savremeni svijet već uveliko suočava.



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-1239/10  
Sarajevo, 11.6.2010. godine

01-50-1

11-06-2010

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 11. 6. 2010.

Organizaciona jedinica	Klasifikaciona oznaka	Redni broj	Broj priloga
01	50-1	15-75	10

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 124. sjednici održanoj 10.6.2010. godine, utvrdilo je Odgovor na zastupničko pitanje koje je postavio gosp. Željko Kuzmanović, zastupnik u Zastupničkom domu Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-1239/10  
Sarajevo, 10.6.2010. godine

Željko Kuzmanović, poslanik u Predstavničkom domu Parlamentarne skupštine Bosne i Hercegovine, na 75. sjednici Predstavničkog doma, održanoj 07.04.2010 godine, postavio je sljedeće poslaničko pitanje:

„ Molim Ministarstvo inostranih poslova BiH i Savjet ministara BiH da mi dostavi informaciju šta je urađeno povodom posljednje afere u Ministarstvu kada je Odjeljenje za borbu protiv visokotehnološkog kriminala jedne evropske zemlje utvrdilo da se sa jednog računara u okviru ovog Ministarstva vršilo skidanje zabranjenih sadržaja sa interneta, konkretno dječije pornografije?

Molim Ministarstvo pravde BiH da se u što skorijem roku pripremi prijedlog zakona, odnosno izmjene i dopune Krivičnog zakona i pripremi prijedlog zakona za borbu protiv visokotehnološkog kriminala “.

Na postavljeno poslaničko pitanje, Vijeće ministara Bosne i Hercegovine je na 124. sjednici, održanoj 10. 6. 2010. godine, utvrdilo sljedeći

**ODGOVOR**

Cijeneći da je od strane uvaženog poslanika Ministarstvu pravde Bosne i Hercegovine upućena inicijativa za izmjene i dopune Krivičnog zakona i pripremu prijedloga zakona za borbu protiv visokotehnološkog kriminala ističe se sljedeće:

Programom rada Vijeća ministara Bosne i Hercegovine, kao i Programom rada Ministarstva pravde Bosne i Hercegovine za 2010. godinu, predviđeno je da se do kraja 2010. godine, u parlamentarnu proceduru dostavi Zakon o izmjenama i dopunama Krivičnog zakona Bosne i Hercegovine, kojim se nastavlja proces usaglašavanja krivičnog zakonodavstva Bosne i Hercegovine sa međunarodnim standardima, a time i obaveze preuzete ratifikacijom Konvencije Vijeća Evrope o sajber kriminalu (ETS 185 Vijeće Evrope, 2001), te njenom Dodatnom protokolu, odnosno implementacija iste u domaće zakonodavstvo.

U okviru aktivnosti na izradi izmjena i dopuna pomenutog zakona, Ministarstvo pravde Bosne i Hercegovine u saradnji sa Timom za praćenje i ocjenu primjene krivičnih zakona (u Timu je 18 iskusnih poznavalaca kako teorije tako i prakse iz krivičnog zakonodavstva), razmatra mogućnost kaznenopravnog sankcionisanja djela dječije pornografije putem informacionih i komunikacionih tehnologija u Krivičnom zakonu Bosne i Hercegovine tako da će se sigurno,

naše krivično zakonodavstvo upotpunosti usuglasiti sa Konvencijom Vijeća Evrope o sajber kriminalu i njenim Dodatnim protokolom.

Takođe se napominje da krivičana djela dječije pornografije su već predviđena u krivičnim zakonima Federacije BiH, Republike Srpske i Brčko Distrikta BiH. Ovim krivičnim djelima inkriminiše se zloupotreba djece i maloljetnih lica za izradu različitog pornografskog materijala i izvedba pornografske predstave. Posebnim krivičnim djelima se inkriminišu radnje kojim se takvi materijali ili predstave čine dostupnim široj javnosti s tim što postoje određene razlike u njihovim definicijama, pa stoga postoji i potreba usaglašavanja ovih zakona međusobno, kao i sa odredbama Konvencije o kibernetičkom kriminalu.

Čini se važno istaći da su i zakoni o krivičnom postupku u Bosni i Hercegovini predvidjeli posebne istražne radnje za pribavljanje dokaza protiv počinitelja krivičnih djela koja se mogu počiniti kompjuterskim uređajima i drugim sistemima informacijske tehnologije. To su istražne radnje u vidu nadzora i tehničkog snimanja telekomunikacija, kao i pristup kompjuterskim sistemima i kompjutersko sravnjenje podataka

Dakle, zbog povećane opasnosti od zloupotreba kompjuterskih sistema za ostvarivanje materijalne koristi ili prouzrokovanje šteta, te zbog obaveze preuzete ratifikacijom Konvencije Vijeća Evrope, Ministarstvo pravde u saradnji sa Timom za praćenje i ocjenu primjene krivičnih zakona već priprema nacrt Zakona o izmjenama i dopunama Krivičnog zakona Bosne i Hercegovine, koji će u planiranom roku biti upućen u proceduru usvajanja.